

## **Crisis Theologica**

**Cárdenes, Juan de**

**Sevilla, 1687**

Dissertatio XX. An liceat simulare administrationem Sacmentoru[m],  
saltem ex metu gravi?

---

[urn:nbn:de:hbz:466:1-75689](#)

## PROPOSITIO XXIX.

417.

teneatur, illi dignatis candidato nullatenus licere uti restrictione mentali.

61. Confirmatur ex leg. Semper. ff. de Regulis iuris, vbi pro regula generali traditur: *Semper in obscuris* (id est in dubijs) *quod minimum est, sequimur.* Ut ex alijs etiam textibus ostendi supra. Cum ergo non sit certum, quin potius valde dubium, an Pontifex damnet opinionem aliquam circa manifestandum veritatem iudici interroganti; quod minimum est, sequi debemus, nempe quod ea damnatione non contineatur id, quod spectat ad manifestandum iudici crimen occultum; sed solum id, quod spectat ad restrictionem mentalem, quae ex nullo capite honestari potest.



## DISERTATIO XX.

*An liceat simulare administrationem Sacramentorum, saltem ex metu gravi?*

### C A P V T I.

*Pro expositione propositionis  
29. damnatae præmittuntur aliqua.*

#### SVMMARIVM.

*Referuntur propositiones damnatae, & eius sensus. num. 1.*

*Distinctio simulationis formalis, & materialis. num. 2.*

*Duo requisita ad simulationem formalem. num. 3.*

*Quid sit simulatione materialis; &*

*quid, quando signa externa indifferenter sunt ad plura significandas num. 4.*

*Quod nam sit discrimen inter voces, & signa externa quoad significationem? num. 5.*

*Quomodo signa externa possint procedere à diversis causis, & ideo significare diversa? num. 6.*

*Qualis fuerit simulatio Iosue, & militum eius? num. 7.*

*Quid quando Christus Dominus finxit, se longius ire? Luce 24. num. 8.*

*Duplex distinguitur simulatio materialis alia, qua respicit circumstantiam vitiosam, & alia absque tali circumstantia. num. 9.*

1. **P**ropositio 29. inter damnatas haec est: *Vrgens metus gravis est causa insta sacramentorum administrationem simulandi.* Quæ propositio unum supponit, & alterum statuit. Supponit, illicitum esse simulare administrationem Sacramentorum absque causa gravi; & statuit urgente metu esse causam gravem, ratione cuius non sit illicitum simulare administrationem Sacramentorum. Damnata autem hac propositione, relinquitur, ita esse illicitam eam simulationem, vt non sufficiat metus vrgens, vt reddatur licita. Ut autem sensus hujus propositionis, & damnationis eius melius percipiatur, aliqua prænotari oportet.

2. **P**rænotandum est ex P. Suarez de legib. lib. 9. cap. 17. num. 15. dupliciter usurpari posse, & solere vocem *simulationis*: alia est enim simulationis formalis, & alia simulationis materialis. Simulationis formalis iuxta S. Thomam 2. 2. quæst. 111. art. 1. corp. est, cum quis per signa externa factorum, vel rerum significat aliquid contrarium eius, quod credit. P. Suarez  
S. Tom.

Ggg Ait-

S. Thom.

Aitque S. Thom. id semper esse peccatum, quia sic est mendacium. Non refert autem, utrum aliquis mētiatur verbo, vel quocumque alio facto, ut supra habitum est. Vnde cum omne mendacium sit peccatum, ut supra dictum est, consequens est etiam, quod omnis simulatio est peccatum. Quæ sunt verba Angelici Doctoris. Vnde fit, quod simulatio formalis dicitur illa, quæ dolosa est, & mendax.

3. Hinc fit, quod sicut ad mendacium, ita & ad simulationem dolosam requiruntur duo; & quod sit falsum, saltē existimatū, id quod quis significat per signa externa; & quod sit ex intentione decipiendi, qua quis intendit, quod alij intelligent aliter, ac ipse cognoscit, rem se habere.

4. Simulatio materialis est, cum quis dat signa externa factorum, vel rerum, indifferentia ad plura significanda, per quæ præter intentionem aliqui decipi solent. Circa quam descriptionem aliqua notanda veniunt. Primum, sicut in verbis non est mendacium, cum quis loquitur per terminum æquivocum, licet is, qui loquitur, intelligat unum significatum, & qui audit, intelligat alterum significatum; ita contingit in eo, qui loquitur, aut quasi loquitur per signa externa, quando hæc sunt indifferentia ad plura significanda.

5. Secundum, magnum esse discriminem inter voces, & res quoad significationem. Voces enim significant ad placitum, iuxta impositionem hominum. Res autem sunt signa naturalia: gemitus enim est signum naturale angoris animi; risus est signum naturale lœtitiae. Quamvis aliquando significant ad placitum, non quidem ex communi impositione hominum, sed ex privata intentione eius, qui vtitur tali sig-

no. Sic enim cum quis non advertit extēnum cultum, quem exhibere debet magnati occurrenti, amicus prope stans percuit leviter brachium eius non advertens: quæ percussio in talibus circumstantijs ex intentione percutientis est signum eius cultus exhibendi tali magnati; & sic in multis alijs.

6. Tertium, hæc signa externa naturalia ut in plurimum sunt effectus alicuius causæ; nam effectus est signum naturale suæ causæ. Quia tamē contingere solet, quod unus effectus possit procedere à multiplici causa; ideo solet etiam contingere, quod unus ponat effectum procedentem à causa A., & qui videt, existimet procedere à causa B., & ita is, qui videt, decipiatur. Vnde fit, quod possit, & soleat dari simulatio materialis; per quam qui videt factum, existimet procedere ab una causa, à qua re vera non procedit: & ita qui materialiter simulat, non intendit decipere, sed permittit deceptionem alterius.

7. Et ita cap. 8. libri Iosue, iste præcepit militibus fugam, ut commodiorem haberent occasionem debellandi hostem. Et ita num. 5. dicitur: *Cumque exierint contra nos, sicut ante fecimus, fugiemus, & terga vertemus, donec persequentes ab urbe longius protrahantur & putabunt enim, nos fugere, sicut prius.* Et num. 15. Iosue vero, & omnis Israël cesserunt loco, simulantes metum, & fugientes per solitudinis viam. Quam simulationem excusat à peccato Interpretes, vt pote simulationem materialem: quia fuga potest procedere à diversis causis, nempe vel à timore vel à desiderio habendi commodiorem occasionem pugnandi. In hoc ergo casu istud desiderium erat causa, à qua procedebat fuga, non metus; hostes autem putabant, eum fugam

## PROPOSITIO XXIX.

419.

gam procedere à meru. Dicuntur autem Iosue, & eius milites *simulantes metum*, non quia intendeant decipere, sed quia permittebant deceptionem.

8. Sic etiam intelligitur illud factum Christi D., quo coram duobus discipulis accedentibus ad Emmaus, *inxit se longius ire*. Luc. cap. 24. dicitur enim *inxisse per simulationem materialē*; quia discipuli putabant, motum corporis Christi D. significare viam materialē; & ipse Dominus significabat suum ad cælos iter: quare discipuli deciebantur, præter intentionem Christi D.; non enim intendebat deceptionem illorum, sed permittebat.

9. Quartum. Simulatio materialis est in duplice differentia. Alia est, quæ respicit obiectum, aut circumstantiam vitiosam, quæ non potest excusari à culpa. Nam Catholicus, qui simulat se Iudeum, aut Lutheranum, quamvis non simulatione formalē, quia non ita se simulat ex intentione decipiendi, sed ex alia diversa intentione, nullatenus excusatur à culpa. Alia est simulatio materialis (quam libenter vocarem materialissimam) quæ respicit rem, aut circumstantiam omnino indifferētēm, quæ nihil continet vitij, aut culpæ. Talis est illa simulatio Machabæorum, & illa, qua Christus D. *inxit se longius ire*; vt supra dixi.

## C A P V T II.

*An propositio damnata loquatur de simulatione formalī, an etiam de materiali?*

*S U M M A R I V M .*

*Argumenta pro damnatione solius simulationis formalis. n. i i. & seqq.*

*Damnatio comprehendit tām simulationem materialē, quām formalē.* num. 14.

*Et quomodo simulatio materialis afferrat irreverentiam Sacramentis.* Ibidem.

*Simulationis materialē, quæ respicit circumstantiam vitiosam, non excusat à culpa.* num. 15.

*Quomodo nomine simulationis veniat tām materialis, quām formalis?* num. 16.

*Sacerdos proferens verba consecrationis cum simulatione materiali, peccat gravissime.* num. 17.

*Comprehendi simulationem materialē, probatur à paritate amphibologie.* num. 18.

*Item ex eo. quod fingit, dispensari merita Christi.* num. 20.

*Solvuntur obiectiones,* num. 21. & seqq.

10. **V**T perfecte calleamus sensum huius damnationis, inquirimus, an solum damnetur propositio, quatenus adstruit licet simulationem formalē administrationis Sacramentorum, nempe ex intentione decipiendi, saltem virtuali; an etiam damnetur propositio, quatenus respicit simulationem materialē, scilicet in qua præter intentionem administrantis decipiuntur fideles.

11. Et propositioni afferenti, quod damnatur solum simulatione formalē, videatur suffragari hæc argumenta. Primum, nam sola simulatione formalē est proprie, & stricte simulationis ergo cum in his damnationibus standum sit pro verboru proprietate, dicendum est, damnationem intelligi de simulatione formalē; nam simulatione materialē non est proprie, & stricte simulationis.

12. Secundum. Nam in dubijs cuiuslibet legis, semper debemus in-

G g 2 telli-

telligere id, quod est minus obligatorium. Ita cap. *In obscuris*. De Regul. iur. in 6. *In obscuris, quod minimum est, sequimur*. Et eadem regula habetur in L. *Semper in obscuris*. ff. de Regul. iur. item in leg. *Quidquid astringenda*. ff. de verbor. obligationibus. *Quidquid astringenda oblationis causa dictum est, id nisi palam exprimatur, omissum esse censendum est*. Ergo cum non palam exprimatur simulatio materialis, omis-  
sa esse censenda erit, atque adeo non mansisse sub damnatione. Et cap. contra eum. De Regul. iur. in 6. dicitur. *Contra eum, qui legem dicere potuit apertius, facienda est interpretatio*. Cum ergo damnatio potuerit explicare, an intelligatur propositio de simulatione materiali, videtur facienda esse interpretatio contra rigorem legis, & hæc intelligenda esse iuxta mihiām obligationem, quam potest imponere.

13. Tertium. Nam damnatio eo respicere videtur, ne fiat dolus in administratione Sacramentorum: sed simulatio materialis, in qua præter intentionem contingit deceptio passiva, non est dolus: ergo damnatio non respicit simulationem materialē.

14. Dicendum tamen est, damnationi huic subiacere tam simulationem materialem, quam formalē factam in administratione Sacramentorum. Hoc probatur primo. Etenim constat, damnari eam propositionem, quia continet irreverentiam respectu Sacramentorum; ut amplius constabit ex dicendis capitib⁹ sequentibus: atqui quando fit irreverentia rebus sacris per simulationem, eodē modo afferit simulatio irreverentiā rebus sacris, sive simulationē sit formalis, sive materialis; ergo in hoc decreto viraque simulationē dā natur. Probatur minor. Nam qui co-

ram idolo thus projicit in thuribulum coram alijs, non excusat à peccato, per hoc quod fiat simulatione materiali, & sine intentione significandi astantibus affectum adorationis, imo cum sola intentione ofaciendi odorem thuris; non solum propter scandalum, sed etiam, quia est cultus externus idoli: ergo sicut reverentia externa exhibita idolo, etiam cum simulatione materiali non excusat à peccato contra præceptum adorandi solum Deum; ita irreverentia contra rem sacram, etiam cum simulatione materiali, non excusat à peccato irreverentia: cum reverentia rei non sacram, & irreverentia in rem sacram, a quo iure censeantur proportionē servata.

15. Similiter si quis in Missa, dum elevatur hostia, ostendat caput coopertum galero, vel pileo, simulans omissam adorationem debitam, quamvis simulationē sit materialis, & solum ex intentione propriæ commoditatis, irreverentiam committit ingentem, quin excusat ex eo, quod simulationē sit materialis: ex quo patet, actionem non excusari ab irreverentia in rem sacram, ex eo quod simulationē sit materialis, & ea simulationē non fiat ex intentione decipiendi. Nam, sicut dixi cap. præced. Datur simulationē materialis, quæ respicit rem, vel circumstantiam vitiosam, quæ non potest excusari à culpa. Et talis est simulationē in administrationē Sacramentorum, propter reverentiam illis debitam.

16. Probatur secundo conclusio. Quia nomine *simulationis* in communī modo loquendi, non solum venit simulationē formalis, sed etiam materialis: cuius manifestū signum est, quod Authores, qui concedunt, vel negant, licitam esse simulationē in administrationē Sa-

cra-

eramentorum, non distinguunt inter simulationem formalen, & materialē, sed indistincte de omni simulatione loquuntur: ergo propositio dānata loquitur indistincte de qualibet simulatione formalī, & materiali, atque adeō hæc damnatio condemnat utramque.

17. Confirmatur. Nam Sacerdos, qui diceret verba consecrationis super panem sine intentione consecrandi, ab omnibus dicetur simulasse consecrationem, quamvis non faceret ex intentione diciendi, sed solum ex intentione gloriandi de bona pronuntiatione verborum: hęc autem est simulatio materialis: ergo etiam simulatio materialis censetur ab omnibus vera, & absoluta simu-  
lacio.

18. Probatur tertio. Sicut se habet in verbis amphibologia, quæ usurpat per terminum æquivocum significantem plura ut plura; ita se habet in factis, & rebus significati-  
vis simulatio materialis per signa externa significantia res diversas; sed amphibologia, quæ datur in termino æquivoco significante tum blasphemiam, tum aliud etiam obiectum, non excusat à peccato contra Religionem, eo quod illam proferens non intendat illam proferre iuxta significationem blasphemiarum; sub qua-  
cumque enim intentione proferatur, affert irreverentiam blasphemiarum: ergo idem censendum est de simulatione materiali.

19. Minor probatur. Et exemplum sit in eo, qui affert; *Ita est, per vitam Dei, quæ ab omnibus Do-  
ctoribus numeratur inter blasphemias, eo quod sensus sit, deficiat vi-  
ta Dei, si hoc non est ita, idèo autem  
numeratur inter blasphemias, quia signifi-  
catur vita Dei ut defectibilis.* Sed quid si non dicatur sub ea inten-  
tione, & significatione, sed sub

qua vita Dei non significetur ut de-  
fectibilis? Sane quamvis ea verba possint admittere alium sensum non irreligiosum, adhuc ea verba con-  
tinent blasphemiam, quia sufficit, quod significent in una usurpatio-  
ne contumeliam Dei, quamvis in  
alia id non significent.

20. Probatur quarto. Qui simu-  
lat utrumque administrationem Sacra-  
menti, fingit, se dispensare merita Christi: sed fingere quod dis-  
pensat merita Christi D. cum re vera  
illa non dispensat, illudit Christo D.  
ergo qui simuлат utrumque admini-  
strationem Sacra-  
menti, Christo D. illudit. Quæ omnia confirman-  
tur ex cap. *De homine. De celebr.  
Missat.*, ut referam cap. 4.

21. Obiectiones sub initium huius capituli propositæ nullius mo-  
menti sunt. Ad primam respondeo,  
falsum esse antecedens: nam simula-  
tio materialis vera, & propria simu-  
lacio est; ut constat ex cōmuni modo  
loquendi, & respectu Sacra-  
menti afferit circumstantiam irreverentia.

22. Ad secundam respondeo,  
verum esse, quod in dubijs, & obs-  
curis, quod minimum est, sequi debemus. Nego tamen de hoc esse pos-  
se dubium circa Sacra-  
menta, cum simula-  
tio materialis sit vere, & pro-  
prie simula-  
tio, & in hoc casu afferat  
irreverentiam.

23. Ad tertiam neganda est  
maior: quia non damnatur solum  
propter vitandum dolum; sed quia  
quævis simula-  
tionis Sacra-  
mentorum est  
contra reverentiam  
Sacra-  
mentis  
debitam.

## CAPVT III.

*An huic damnationi subiaceat  
propositio afferens, licere ali-  
quando ministrare hostiam  
non consecratam pro  
consecrata?*

## SVMMARIVM.

*Authores docentes prefatam opinio-  
nem. num. 24.*

*Argumentum pro illa. num. 25.*

*Eo argumento fingitur casus imprac-  
ticabilis. num. 26.*

*Ea opinio subiicitur huic damnationi.  
num. 27.*

*Eius improbabilitatem affirmanter co-  
munitate Theologi. num. 28.*

*An hostia non consecrata, & simula-  
ministrata, exponatur periculo ido-  
lolatriæ. num. 29.*

*Aliud argumentum ex iure canonico.  
num. 30. & seqq.*

*Aliqua consequentia ex eo textu con-  
sequitæ. num. 33.*

*24.* **L**icitam esse hanc simulatio-  
nem in aliquibus casibus,  
ministrando hostiam non consecratam  
pro consecrata aliqui Authores  
afferverunt. Nam Altisiderensis, *yt*  
*Altisideros* refert P. Suar. tom. 3. in 3. p. disp.  
67. sect. 4. §. Circumtertiam.) affirmat,  
si homo sit in articulo mortis, & nul-  
la sit reservata hostia consecrata, ad  
vitandum scandalum, licetum esse  
dare hostiam non consecratam pro  
consecrata. Quam opinionem dicit  
P. Suarez esse *improbabilem, & in-  
tolerabilem*. Alij vero dicunt, quod si  
fiat conventio inter Sacerdotem, &  
peccatorem, licebit ministrari peccatori  
hostiam non consecratam: ne,  
si indigne recipiat, fiat reus corpo-

*Suar.*

ris Domini; & ne, si ei denegetur  
communio, infamatus maneat pec-  
cator. Posse autem ita disponi, vt ea  
forma non consecrata non expona-  
tur adorationi fidelium, si omnino  
occulta deferatur. Ita S. Bonavent. *S. Bonav.*  
Albertus Magnus, & Adrianus, quos *S. Albert.*  
refert P. Suarez ubi supra. Item *Vi-*  
*Adrianus* *Villobos* tom. 1. sum. tract. 7. diff. *Villobos*  
38. num. 7. & Ludovicus de S. Juan *Moya*  
t. 1. sum. quæst. 7. de Euch. art. 8.  
diff. 7. apud P. Moya tom. 1. select.  
tract. 4. quæst. 2. num. 5.

25. Et fortasse videbitur alicui,  
eam opinionem non subiacere huic  
damnationi. Etenim si Sacerdos, &  
peccator sciunt, non esse consecra-  
tam, non erit simulatio, maxime si  
ministretur, nullo alio adstante; si  
simulatio enim supponit ignorantia:  
cum ergo damnetur in hoc decreto  
simulatio administrationis Sacra-  
mentorū, si hic non intervenit simu-  
ratio, non subiacebit damnationi.

26. Sed hæc obiectio fingit ca-  
suum impracticabilem, nempe illum,  
in quo necesse sit ministrare hostiam  
non consecratam peccatori conser-  
tentia, nullo alio adstante: quia si  
nullus alius ad est, & dat illi conser-  
tentia hostiam non consecratam,  
quomodo verificatur, quod dat non  
consecratam pro consecrata, hoc  
enim supponit ignorantiam saltem  
adstantium, & dare peccatori hos-  
tiā non consecratam, nullo alio  
adstante, potius erit ludere, quam  
fingere communionem. Casus er-  
go præfens est, in quo adstantes igno-  
rant illam fictionem communionis,  
quamvis Sacerdos, & peccator sciunt,  
hostiam non consecratam mini-  
striari.

27. Dicendum ergo est, illam  
opinionem eorum Authorum subire  
hanc damnationem. Pater. Damnat  
enim hoc decretum propositionem  
afferentem, licere simulationem in  
admi-

administratione Sacramentorū , etiā ex causa metus vrgentis: cum ergo manifestum sit, eam fictam communionem esse simulationem in administratione Eucharistiæ; qnia fingitur esse Eucharistia ea, quæ non est talis; patet, talem opinionem subiici huic damnationi.

28. Et quidem illam opinionem reiiciendam putat communior sententia Theologorum. Ita P. Suarez vbi supra, P. Vasquez de Euchar. disp.

Suar.  
Vazq.  
Cafi-Pal.

280. cap. 1. P. Castro Palao tom. 1. tract. 2. disp. 1. punct. 13. num. 8. qui affirmat, quod opposita sententia audaciam, & temeritatem videtur redolere. Et alij passim Doctores.

29. Aliquod tamen dissidium est in reddenda ratione huius assertionis. Commune argumentum pro hac conclusione est: hostia enim non consecrata exponitur adorationi adstantium; ex quo sequitur idolatria materialis. Hoc argumentum P. Vasquez non putat efficax; ait enim, nullum esse periculum idolatriæ, eo quod affectus adorantis Eucharistiam fertur in solum Christum. Sed non assentior: quia ille cultus externus exhibitus rei creatæ omnino est illicitus; & ita peccaret lethaler, qui exhiberet cultum externum coram idolo, etiam si eius affectus internus ferretur in Christum Dominum. Et ita peccator ipse sciens, hostiam non esse consecratam, peccaret exhibendo eum cultum externum genuflexionis; & vt bene advertit P. Suarez relatus, ipsa suscep-  
tio communionis, quamvis ficta, esset cultus externus, ideoque gravi-  
ter illicitus.

Innocent.  
30. Aliud argumentum malitiæ huius communionis fictæ desumitur ex cap. De homine de celebri. Mis-  
sar., vbi Innocentius III. refert casum in hæc verba. *Quæsivisti, quid de incerto Presbytero videtur, qui cum*

*sciat, se in mortali crimine constitu-  
tum, Missarum solemnia, que non  
potest propter necessitatem quamli-  
bet intermittere, propter sui facinoris  
conscientiam dubitat celebrare, perac-  
tisque ceteris circumstantijs Missam  
celebrare se fingit, & suppressis verbis,  
quibus conficitur corpus Christi, pa-  
nem, & vinum tantum modo pure su-  
mit, ita credens per id, quod preten-  
dit populo satisfacere, ut per hoc, quod  
intendit, Deum non debeat provo-  
care.*

31. Ad hunc casum respondet immediate Pontifex hoc tenere verborum. *Cum ergo falsa sint abijen-  
da remedia, que veris sunt periculis  
graviora: licet is, qui pro sui crimi-  
nis conscientia reputat se indignum,  
peccat graviter, si se ingerit irreve-  
renter ad illud; gravius tamen vide-  
tur offendere, qui sic fraudulenter  
illud præsumperit simulare: cum ille  
in solius misericordis Dei manum in-  
cidat; iste vero non solum Deo (cui  
non veretur illudere) sed populo,  
quem decipit, se adstringat.*

32. Ex quibus verbis patet pri-  
mo, peccasse gravissime Presbyterum ratione falsitatis, & simulationis. Patet secundo, non solum fuisse reum, quia decepit populum, sed quia non est veritus illudere Deo, nam simulare fraudulenter rem Di-  
vinam, iuxtra modum loquendi Pon-  
tificis, est Deo illudere. Patet tertio,  
gravius delinquisse Prebyterum, si-  
mulando consecrationem, quām si reus fuisse corporis, & sanguinis Domini, sacrificando, & manducan-  
do indigne.

33. Hinc etiam manifeste colli-  
gitur primo, Sacerdotem, qui mi-  
nistrat hostiam non consecratam  
etiam consentienti, peccare pecca-  
to falsitatis, & simulationis. Colli-  
gitur secundo, illum peccare non so-  
lum quatenus decipit adstantes, sed  
etiam,

etiam, quatenus simulat fraudulenter rem Divinam, atque adeo illudit Deo. Colligitur tertio, gravius peccare qui sic simulat fraudulenter cōmunionem corporis Domini, quam si hostiam consecratam indigne sumeret: *Gravius enim videtur offendere, qui sic fraudulenter præsumperit simulare.* Nam eadem ratio militat in Presbytero fidei celebrante, ac in peccatore fidei communicante.

## CAPUT IV.

*An damnationem incurrat propositio docens, esse licitum proferre super panem verba consecrationis sine intentione consecrandi?*

## SYMMARIUM.

*Opinio Ioannis Sancij.* num. 34.

*Argumenta pro ea opinione.* num. 35.  
& 36.

*Ea propositio incurrit damnationem.* num. 37.

*Damnatio contenta in hoc decreto per propositionem universalem.* num.  
38

*Et damnat propositionem, sive universalē, sive particularem.* num.  
39.

*Soluuntur obiectiones supra posita.* nu.  
40. & 41.

*Quid si simularet consecrationem per alia diversa verba?* num. 42.

*Et quid si fieret per simulationem formalem, & quid per materialē?* num. 43. & 44.

*Saneius.* 34. *I*ohnes Sancius in selectis disp. 35. num. 3. proponit hypothesis, in qua hereticus minaret mortem Sacerdoti, nisi con-

secraret totum panem, qui esset expositus venditioni in platea civitatis. In qua hypothesi affirmat, licitum esse ei Sacerdoti proferre verba consecrationis sine intentione consecrandi.

35. Quod autem casus iste non continetur sub hac damnatione, videtur suaderi his argumentis. Primo. Hac propositio: *Vrgens metus gravus est causa Sacramentorum administrationem simulandi;* est indefinita, & ex mente suorum Doctorum videtur æquivalere vniuersali; docent enim, quemlibet vrgentem metum esse causam gravem, & sufficientem ad iustificandam eam simulationem.

Atqui damnationes istæ ita procedunt, vt statuant, verant esse contradictioniam propositionis damnatae. Ergo damnatio huius 29. propositionis fit per hanc contradictionem. *Non omnis vrgens metus est gravis causa Sacramentorum administrationem simulandi,* sive, quod idem est, *Aliquis vrgens metus non est gravis causa,* &c. Quæ contradictionia est particularis negativa. Sed à particulari non valet ad singularem, neque à propositione indeterminata ad determinatam: ergo non valet,

*Aliquis vrgens metus non est gravis causa;* ergo metus mortis non est gravis causa. Erit ergo metus mortis causa sufficiens ad eam simulationē, quamvis alij metus minoris moteti nō sint ad id causæ sufficietes.

36. Secundo. In gravissima necessitate licitum est vt opinione tenuiter probabili, vt docent Authors relati supra disert. 4. sed opino præfata, quod metus mortis sit causa sufficiens ad simulationem administrationis Sacramentorum, est saltem tenuiter probabilis; neque villa est vrgentior causa, quam metus mortis: ergo is sufficit, vt simulari possit Sacramentorum administratio. Sed

## PROPOSITIO XXIX.

425.

37. Sed his non obstantibus dicendum est tamquam omnino certum, eam propositionem subiacere huic damnationi. Patet assertio. Nam hæc damnatio insistit vestigijs Innocentij III. in cap. *De homine*. De celebrat. Missar. supra relato in cap. 3., ex quo textu (sumpto argumento à minori ad maius) constat, eam simulationem proferendi verba consecrationis sine intentione consecrandi esse intrinsecè pravam: nam multo gravius est contra reverentia Sacramenti, proferre verba consecrationis, quæ instituta sunt à Christo D. pro consecratione Sacramenti; proferre, inquam, sine intentione conficiendi, quam supprimere, seu omittere verba ipsa, cum dicenda erant. Declarat autem Pontifex, eam simulationem esse *illudere Deo*, & id esse gravius peccatum, quam esse reum corporis, & sanguinis Domini; quod idem à fortiori convenit in eum, qui verba consecrationis profert sine intentione consecrandi. Atqui hoc, quod est, illudere Deo ita est instrinsecè malum, vt nullam ob causam iustificari possit: ergo.

38. Ex quo ulterius constat, eam damnationem fieri per propositionem universalē, & sensus eius est iste: *Nullus vrgens metus est gravis causa sacramentorum administracionis simulandi*. Tum quia cum ea simulatio, iuxta Innocentium III. sit *illudere Deo*, & ad illudendum Deo nullus metus vrgens possit esse causa id licitum rendens, sequitur, quod eiusmodi damnatio admittenda sit tamquam universalis negativa, ita vt nullus metus vrgens sufficiat.

39. Tum etiam, quia sicut indefinite procedit propositione damnata; ita etiam indefinite procedit damnatio: quæ quidem damnat propositionem, sive hæc loquatur

tamquam universalis, sive loquatur tamquam particularis: & ideo damnatio damnat illam utroque modo, ita vt si propositione damnata procedat tamquam particularis, damnatio procedit tamquam universalis negativa, *Nullus vrgens metus, &c.* quo pacto contradicit particulari affirmativa. Et si propositione damnata procedat tamquam universalis affirmativa, damnatio sit particularis negativa. Quia ergo propositione damnata potest intelligi utroque modo, ideo damnatio intelligitur utroque modo.

40. Ex his facillimum est solvere argumenta superius proposta. Ad primum respondeo, propositionem damnatam obnoxiam esse, vt intelligatur tamquam universalis, & tamquam particularis; & ideo damnatio procedit tamquam universalis, reprobando utroque modo eam propositionem. Quare licet propositione damnata indefinita sit, & iuxta mentem suorum Doctorum sit universalis; at ex mente Decreti, iuncto cap. *De homine*. relato, etiam damnatio est universalis, quia contradicit propositioni, sive sumptuæ universaliter, sive particulariter.

41. Ad secundum respondeo, eam propositionem damnatam posse ante damnationem censeri tenuiter probabilem; at post damnationem, nihil omnino habere probabilitatis practicæ; & ideo iam neque tenuiter probabilem censeri debere.

42. Rogabis, quid dicendum sit in hypothesi, in qua hæreticus ignarus verborum consecrationis minaretur mortem Presbytero, si non consecraret illum panem expositum venditioni; iste autem, vt evaderet mortem, recitaret orationem dominicam, simulando in hunc modum consecrationē illius panis?

Hhh Cuius

43. Cuius decisio indiget distinctione. Potest enim Presbyter in ea hypothesi per simulationem formalem, & potest per materialem: id est, potest procedere ex intentione deceptionis illius; & procedere non intendendo, sed permittendo deceptionem eius. Primo modo peccat, sicut peccaret, si diceret, [iste panis iam est consecratus] est enim mendacium, significare alteri per signum externum aliquid aliud contra id, quod ipse indicat.

44. Secundo modo non peccaret ille Presbyter, quia licet verum sit, illicitam esse simulationem materialem in administratione Sacramentorum; at in ea hypothesi non datur simulatio circa administrationem Sacramentorum; quia recitare orationem dominicam omnino indifferenter se habet ad administrationem, & confectionem Sacamenti; est enim latissimum discrimen inter hoc, quod est, dicere verba consecrationis absque intentione consecrandi, & recitare orationem dominicam; nam verba consecrationis instituta sunt a Christo D. ad consecrandam Eucharistiam; non sic oratio dominica.

## CAPUT V.

*An subiaceat damnationi dicere, quod liceat simulare administrationem Sacramenti*

*Penitentiae; & quomodo.*

## SUMMARIUM.

*Ratio dubitandi ex scandalo, quod potest resultare ex absolutione negata indigno. num. 46.*

*Sigillum servandum est non solum*

*verbis, sed etiam factis. num.*

46.

*Modus dicendi Filiger. num. 47.*

*Modus dicendi Magistri Hozes. nu.*

48.

*Illicium est proferre verba obsolutionis sine intentione absolvendi. num. 49.*

*Et an id sit illudere Deo? num. 50.*

*Et opposita propositio subiaceat damnationi. num. 51.*

*Quid debeat facere confessarius, qui coram alijs negat absolutionem indigno? num. 52.*

*Et quid, si intendat deceptionem circumstantium? num. 54.*

*Quomodo hic modus negandi absolutionem non subiaceat huic damnationi? num. 55*

*Responsio ad rationem dubitandi. num. 56.*

*An modus dicendi Magistri Hozes, subiaceat huic damnationi? num. 57. & seqq.*

*An metus mortis sit sufficiens, ut confessarius simulet, se absolvere, eodem modo, quo fit pro servando sigillo? num. 60. & seqq.*

*Aliud dubium solvitur. num. 63.*

45. **C**irca prefatam questionem inquires primo, an liceat confessario aliquando simulare absolutionem Sacramentalem? Et ratio dubitandi est: quia plerumque contingit, hominem confiteri peccata sua in magno poenitentium cursu, qui circumstant; confessarium autem cognoscere, quod ille non vult deserere occasionem proximam peccandi, aut non habere propositum de cetero non peccandi. Quid ergo facere debeat confessarius? Nam si absolvit indignum, peccat gravissime. Si non absolvit, circumstantes animadvertisunt, illum peccatorem esse indignum absolutione, atque adeo confessarius violat

lat sigillum sua absolutionis omissione, manifestans indignitatem peccatoris: ergo saltem debet simulare, seu fingere, quod absolvit, ne manifestetur indignitas peccatoris contra præceptum sigilli.

P. Suar. 46. Et confirmatur. Nam, ut observavit P. Suarez tom. 4. in 3. p. disp. 33. sect. 6. nu. 2., secretum confessionis iure Divino iniunctum servandum est, non solum verbis, sed etiam factis; ut constat ex cap. *Omnis utrisque sexus. De Poenit. & remiss. vbi dicitur: Caveat autem confessarius omnino, ne verbo, aut signo, aut alio quovis modo aliquatenus prodat peccatorem.* Si ergo eo facto dimittendi peccatorem absque absolutione manifestatur indignitas cognita in ipsa confessione peccatoris, vel violandum est ius Divinum sigilli, vel vtendum est simulatione absolutionis, ne manifestetur circumstantibus talis indignitas.

Filguer. 27. Filguera in expositione eius propositionis sine afferit, posse confessarii per signa externa significare, se absolvisse; eo quod tunc poterit absolvere pro foro externo, non autem pro interno. Sed non explicat, quomodo id fiat sine simulatione formalis, quæ includit mendacium facti; neque explicat, quomodo possit poenitens absolviri à peccatis tantum pro foro externo; neque explicat, quomodo id non sit simulatio in administratione Sacramenti: quæ omnia explicatione indigent.

Hozes. 48. Hozes in expositione propositionis 39. n. 1. quāvis negat, posse fieri simulationem in reliquis Sacramentis, concedit illam fieri posse in Saeramento poenitentia, quando vrgit obligatio sigilli, scilicet in casu proposito in ratione dubitandi. Deinde superaddit, licitam esse in hoc casu simulationem absolutionis; quia in illa simulatione, qua singit se ab-

solvere indignum, exercet potestatem ligandi, quam confessarius habet.

49. Sit prima conclusio. Non licet confessario in ea hypothesi proferre verba absolutionis sine intentione absolvendi. Ratio est: quia est magna irreverentia, quæ immediate versatur circa immediatam formam Sacramenti, institutam a Christo Domino ad hunc solum finem dimittendi peccata. Primo, quia qui affirmat *Ego te absolvō* sine intentione absolvendi, mentitur; affirmat enim se absolvere, cum re vera non absolvat; mentiri autem circa formam Sacramenti est magna irreverentia Sacramento illata.

50. Secundo. Quia non est minor irreverentia Sacramenti, sed fortasse maior, dicere verba absolutionis sine intentione absolvendi, quam supprimere verba consecrationis in casu, quod teneatur ea proferre: sed sic supprimere verba consecrationis declarat Innocentius III. esse illudere Deo, verbis supra allatis: ergo proferre verba absolutionis sine intentione absolvendi, est illudere Deo.

51. Sit secunda conclusio. Propositio affirmans, licitū esse proferre in eo casu ea verba absolutionis sine intentione absolvendi, subiacet huic damnationi. Patet conclusio. Nam damnatio hæc reprobatur quam cuunque simulationem Sacramenti, quæ vere, & proprie est simulatio eius: prolatione autem verborum absolutionis sine intentione absolvendi vere, & proprie est simulatio Sacramenti: ergo id hac damnatione reprobatur. Et quidem solum excipitur ab hac damnatione ea simulatio, quæ versatur circa rem indifferenter se habentem ad Sacramentum, vel ad materiam eius, aut formam, ut mox dicam,

52. Sit tertia conclusio. Confessarius, qui in conspectu plurium circumstantium videt, poenitentem indignum esse absolutione ob defecatum dispositionis, ne prodat indignitatem peccatoris violando sigillum, debet, quasi obmurmurando, recitare aliquam brevem orationem, aut quid simile, non quidem intendendo deceptionem circumstantium, sed permittendo illam. Probatur conclusio. Nam ex una parte habet strictissimam obligationem juris Divini non prodendi indignitatem peccatoris cognitam in confessione; ex altera vero parte haec non est proprie, & in rigore simulatio Sacramenti; quia ea simulario indifferenter se habeat respectu Sacramenti, & cuiusvis partis illius; nam si tuas obmurmurando dicat *Pater noster, qui es in celis.* &c. haec verba nihil pertinent ad verba absolutionis; & ideo ea simulatio omnino materialiter se habet ad Sacramentum, & partes essentiales eius.

53. Idem est, si dicat: *Ego te absolvo à censuris in quantum possū, & indiges,* ita ut ea vox à censuris dicat subobscure, taliter quod non intelligatur distincte à circumstantibus. Potest etiam dicere: *Ego neutiquam te absolvo;* ita ut id verbum neutiquam dicatur subobscure, ne intelligatur à circumstantibus.

54. Dixi non intendendo deceptionem circumstantium; quia si id signum externum daret, intendendo, quod intelligent rem aliter, ac est in mente Sacerdotis, nempe quod intelligent absolutum eum, qui non est absolutus, esset mendacium, sicut si verbis expressis diceret, *Ego absolvi illum,* sineulla amphibologia.

55. Et ex dictis patet, hunc modum, quo virtutur Sacerdos, ne prodat indignitatem penitentis, non reprobari hac damnatione. Constat

enim hanc non esse proprię, & stricte simulationem in administrando Sacramentum. Et quidem ex terminis repugnat, quod aliqua actio sit impletio pracepti iuris Divini, & quod sit simulatio damnabilis, ut perpendenti patebit. Cum ergo ea actio necessaria sit, ne violetur ius Divinum sigilli, omnino exult rationem simulationis damnabilis.

56. Item ex dictis constat ad rationem dubitandi initio huius capituli propositam: debet enim Confessarius ita se gerere proferendo aliqua verba saltem subobscura pronuntiatione, taliter quod circumstantes non possint cognoscere, penitentem abire absque absolutione. Quod siet modo dicto in tertia conclusione. Ex qua etiam patet, eam non esse proprie, & stricte simulationem Sacramenti. Ad confirmationem concedo non solum verbis, sed facto etiam posse violari sigillum: sed ex dictis constat, quomodo in eo eventu se gerere debet confessarius, ne illud violet. Paret etiam, quid dicendum sit in illis tribus, quae in modo dicens Filigeræ supra notavimus.

57. Hinc colliges, modum dicensi, quem tradit Hozes proxime citatus, subiici huic damnationi; si admittit, posse vti Sacerdotem verbis absolutionis sine intentione absoluendi. Probatur. Nam hic modus simulandi non est necessarius avertandum scandalum, cum possit vitari alijs modis supra positis; & is modus simulandi versatur immediate circa ipsam formam absolvendi.

58. Deinde illud, quod subiungit, scilicet à potestate ligandi, quam habet Sacerdos, procedere illam simulationem, falsum est. Etenim negare absolutionem indigno, & simulare absolutionem, sunt duo valde diversa, & quae inter se nullam habent connexionem, præcipue si sermo

fit

fit de simulatione, quæ fiat dicendo verba absolutionis sine intentione absolvendi. Quare negare absolutionem indigno procedit à potestate ligandi; simulare autem absolutionem modo licito, non procedit à potestate ligandi, sed ab obligatione servandi sigillum.

59. Sed quia verba scriptorum benigne interpretanda sunt, ideo credendum est, non esse mentem huius Authoris, quod fiat simulatio, proferendo verba absolutionis absque intentione absolvendi, sed alio modo licito ex supra numeratis; quod tamen revera debuit cum ea distinctione explicare.

60. Inquires secundo, an metus mortis sit causa sufficiens, ut confessarius simulet se absolvere, eodem modo, ac potest id simulare, quando est periculum violandi sigillum? Et casus potest contingere, quando peccator, qui confessus est sua peccata, & non vult ea deferere, audit que a confessario, negari sibi absolutionem, minitur mortem confessario, nisi absolvat Quod non semel accidisse, audivi non semel.

61. Dicendum est primo, in eo casu non esse licitum simulare absolutionem, dicendo formam absolutionis Sacramentalis, quamvis dicatur sine intentione absolvendi à peccatis. Ratio est eadem, quæ supra: quia hæc est simulatio immediate versans circa partem essentialiem Sacramenti: quæ quia est contra reverentiam Sacramenti, nullo metu iustificari potest.

62. Dicendum est secundo, licet in eo casu simulare absolutionem, per alia verba distincta à forma absolutionis Sacramentalis, eo modo, quo supra dixi in tertia conclusione; neque hoc est contra præsentem damnationem. Patet hæc conclusio ex dictis in tertia conclu-

sione. Hæc enim proprie, & stricte non est simulatio administrationis Sacramenti; & sicut licita est ad declinandum peccatum violationis sigilli, ita etiam, & ad vitandam mortem violentam.

63. Dices. Quid si poenitens minetur mortem confessario; nisi expresse, & distincte dicat verba absolutionis Sacramentalis? Respondeo, verba essentialia absolutionis Sacramentalis esse *Ego te abservo*; hæc autem verba possunt etiam significare absolutionem à censuris, si cum ea intentione proferantur, aut absolvi diu taxat à censuris, & submissa voce pronunciando à censuris. Confessarius ergo metuens sibi mortem à poenitente, nisi dicat expresse, & distincte verba absolutionis Sacramentalis, poterit dicere ea verba, quæ essentialia sunt absolutioni Sacramentali, non vt talia, sed cum intentione absolvendi à censuris, & pronunciando submissa voce à censuris; quo pacto non est forma Sacramentalis.

## CAPVT VI.

### *Aliud dubium de simulatione confessionis.*

#### *SUMMARIVM.*

*An sit simulatio Sacramenti accedere ad confessionale ad tractanda negotia?* num. 64.

*An hec damnatio reprobet simulationem, non solum administrationis Sacramenti, sed etiam suscep- tio- nis?* num. 65.

*Suscep- tio non reprobatur expresse.* num. 66.

*Reprobatur tamen virtualiter.* num. 67.

*Si fiat hec simulatio ad sollicitan- dum*

DISERTATIO XX. CAP. VI.

430.

dum confessarium ad venera, non  
solum est peccatum mortale solli-  
citacionis, sed etiam simulationis  
Sacramenti, num. 68.

Et illa est simulatio formalis. num.

69.

Propositio quæ doceat, non esse specia-  
le peccatum eam fictionem, virtua-  
liter subiicitur huic damnationi.  
num 70.

Qui accedit eo modo ad confessarium  
negotij causa cum simulatione for-  
malii Sacramenti, reus est menda-  
cij, & irrogat iniuriam Sacra-  
mento. num. 71. & 72.

Qui accedit eo modo ad confessarium  
sine simulatione formalii, non pec-  
cat, neque subit hanc damnationem.  
num. 73. & 74.

64. **I**nquires tertio, an faciat si-  
mulationem Sacramenti, cum  
quis accedit ad confessarium in loco  
confessionali sedentem, & flexis  
genibus (eo modo quo solent pa-  
nitentes confiteri) tractat negotium  
aliquid cum confessario, taliter quod  
circumstantes existimant, eum Sa-  
cramentaliter confiteri? Et catus est  
frequens, præsertim in mulieribus:  
hæ enim sic apparent coram confes-  
sario, quia inveniunt occasionem  
opportunam eum alloquendi, vel ut  
interrogent aliquid pertinens ad  
suam conscientiam extra confessio-  
nem, vel ut eleemosynam pro-  
curent, vel ut aliud negotium trahtent.  
Neque vidi authorem, qui de hoc  
casu tractet.

65. Et quidem quæstio hæc  
postulat, ut prius satisfaciamus al-  
teri questioni, nempe an hæc dam-  
natio, de qua in præsenti agimus,  
reprobet non solum simulationem  
administrationis in Ministro, sed  
etiam simulationem susceptionis in  
eo, qui suscepit Sacramentum. Et  
breviter dicendum, non damnari ex-

presse, & formaliter simulationem  
susceptionis Sacramenti; reprobari  
tamen virtualiter, sicut in simili dixi  
disert. 1. cap. 4.

66. Prima pars constat: quia  
propositio damnata solum loquitur  
expresse de simulatione administra-  
tionis: hæc autem solum spectat ad-  
ministrum, vel ad eum, qui se fungit  
ministrum.

67. Secunda vero pars proba-  
tur. Tunc enim ex damnatione Pon-  
tificiæ manet damnata virtualiter  
propositio, quando ex ea damna-  
tione manifeste infertur reproba-  
tio eius propositionis: sed ex damna-  
tione simulationis circa administra-  
tionem Sacramenti infertur reproba-  
tio simulationis circa suscep-  
tionem Sacramenti: ergo ex hac dam-  
natione manet damnata virtualiter  
simulatio susceptionis Sacramenti.  
Minor ostenditur. Nam cum con-  
stet, damnationem hanc fundari in  
eo, quod simulare administratio-  
nem Sacramenti sit irreverentia  
contra Sacramentum, ex eo infer-  
tur, à paritate rationis, esse quo-  
que simulem irreverenciam simu-  
lare susceptionem Sacramenti. Sic  
enim irrogaret iniuriam Sacra-  
mento, qui fingeret, se accipere Ba-  
ptismum; sicut Minister, qui fin-  
gerer, se baptizare. Et sicut irreve-  
rentiam committeret in Eucharis-  
tiæ, qui fingeret, se eam ministra-  
re; ita etiam, qui fingeret se Eu-  
charistiam recipere. Neque prop-  
terea negamus, maius peccatum  
esse simulare administrationem, quæ  
simulare susceptionem Sacramenti.

68. Deveniendo ergo ad præ-  
cipuam quæstionem, de eo qui  
accedit ad confessionem, eo modo  
quo cæteri paenitentes accedunt; ac-  
cedit tamen sine intentione confi-  
tendi; assero primo. Si fiat hæc si-  
mulatio ad sollicitandum confessa-  
rium

rium ad venerea, non solum est peccatum mortale sollicitationis, sed etiam simulationis Sacramenti, quæ in tali casu est simulatio formalis, id est, ex intentione decipiendi circumstantes, ut credant esse confessionem Sacramentalem. Ratio est: quia est magna irreverentia contra Sacrementum illud fingere ad tam perversum finem.

69. Quod autem ea sit simulatio formalis, patet. Nam sicut confessarius sollicitator eiusmodi quærens talem occasionem, ut sollicitet ad venerea, procurat cælare suum crimen prætextu confessionis simulata; ita & fæmina, cupiens cælari delictum suum sive sollicitationis, vult uti prætextu confessionis Sacramentalis. Optatque, ut circumstantes non intelligent suam perversam intentionem; sed potius, ut existiment se pergere ad confitendum Sacramentaliter. Et idem dicendum est, si fiat eiusmodi fictio ad suadendum confessario aliud quodlibet crimen, ob eamdena rationem.

70. Hinc infertur, quod propositio, quæ docet oppositam assertiōnem, subiicitur huic damnationi, saltem virtualiter. Id est, licet non damnetur expresse, infertur tamen ex damnatione, eam reprobari debere. Nam, ut constat ex proxime dictis, idem genus peccati invenitur in eo, qui singit susceptionem, ac in eo, qui singit administrationem Sacramenti; & ex hoc infertur alterum. Cum ergo constet, eam simulationem Sacerdotis hoc decreto damnari; constat etiam similem simulationem facti poenitentis virtuiter reprobari.

71. Affero secundo. Qui e modo accedit ad confessarium ad tractandum negotium, cum simulatione formalis Sacramenti, id est, cum ea intentione, ut circumstan-

tes decipientur, putantes illum confiteri Sacramentaliter, reus est mendacij, & irrogat iniuriam Sacramento. Prima pars, nempe quod ille mentiat, patet ex ijs, quæ diximus cap. I. ex S. Thoma, maxime

*s. Thom.*

illis verbis: *Non refert autem, utrum quis mentiatur verbo, vel quocumque alio facto.* Et sicut quis mentitur, cum verbis afferit aliquid falsum, contra id, quod ipse censet; ita etiam mentitur, qui signo aliquo externo significat, quod non est, contra id, quod ipse censet. Sed qui vtitur eo signo externo genuflectendi coram confessario parato ad confessiones audiendas, & cum ea intentione predicta, vtitur eo signo, ad significandum circumstantibus, se confiteri Sacramentaliter, cum id falsum sit, & contra id, quod ipse censet: ergo per id signum exterum mentitur.

72. Secunda pars, nempe quod sic mentiendo per signa externa, iniuriam irrogat Sacramento, patet ex dictis. Nam sicut Sacerdos simulans administrationem Sacramenti, iniuriā irrogat Sacramento; ita & simulans susceptionem Sacramenti, ut constat ex dictis supra, maxime cum in hoc casu sit simulatio formalis, & ex intentione decipiendi.

93. Afferio tertio. Qui accedit ad confessarium ad tractandum negotium pium, vel indifferens, accedit, inquam, genibus flexis, & modo, quo poenitentes solent accedere sine intentione tamen decipiendi circumstantes, id est, sine simulatione formalis; non peccat, neque subit damnationem huius decreti. Ratio est. Nam ex eo ipso, quod sit valde usitatum, quod fæmine sic accedant ad confessarium, vel causa petendi eleemosynam, vel poscendi intercessionem pro aliquo negotio, vel consulendi scrupulum; colligitur,

tur, eam actionem non esse signum externum determinatum, significans confessionem, sed potius significans viuum ē duobus, vel confessionem, vel tractationem negotij. Cum ergo in tali casu illa fœmina præstet actionem, quæ neque ex se, neque ex intentione illius significet determinate confessionem; manifestum est, quod ea non sit simulatio confessionis sacramentalis.

74. Confirmatur ex ijs, quæ dixi cap. I. prænotat. I. Etenim sicut dantur verba æquivoca, quæ habent duas significations diversas; ita etiam dantur signa externa, quæ habent significations diversas; & sicut qui profert verbum æquivocum, solet illud dicere in una significacione, & circumstantes intelligunt in alia; ita similiter contingit in signis externis. Quare homo accedens ad confessarium præfato modo, non dat signum determinatum confessionis; cum illud etiam sit signum diversæ collocutionis.

### CAPVT VII.

*An incurrat hanc damnationem propositio doceat, licite fieri simulationem circa matrimonium ex gravi metu inenundum?*

### SUMMARIUM.

*Variae opiniones circa materiam, & formam matrimonij. num. 75.*

*Vera sententia circa utramque. num. 76.*

*Ratio contractus, & ratio Sacramenti sunt in matrimonio res diverse. num. 77.*

*Qui simulat matrimonium in ratione Sacramenti, peccat graviter.*

viter contra Sacramentum, num. 78.

*An qui ex metu mortis simulat consensus in contractum matrimonij, non attendens ad rationem Sacramenti, irroget iniuriam Sacramento? num. 79.*

*Proposita hypothese, probatur efficiaciter. num. 80. & seqq.*

*Contractus irritus non est materia, neque forma Sacramenti. num. 81. & seqq.*

*Referuntur Authores docentes, esse peccatum lethale confidere Sacramentum irritum, simul docentes, non esse tale celebrare contractum matrimonij, quando datur causa urgens, ut fiat sine animo contrahendi. num. 36. & seqq.*

*Qui ficte contrahit, non significat se dispensare merita Christi in Sacramento. num. 90.*

75. **P**armitto primo, varias esse sententias Doctorum circa materiam, & formam Sacramenti matrimonij. Prima est, quam docuit Canus lib. 8 de locis, cap. 5. ad 3., verba contrahentium esse materiam, & verba Parochi esse formam; censet enim matrimonia clandestina ante Tridentinum non suisse Sacramenta. Sed Bellarminus lib. I. de Matrim. cap. 6., & alij eam opinionem appellant temerariam. Secunda est, consensus contrahentium esse materiam, verba autem formam. Tertia est, consensum esse formam, verba autem materiam. Quarta est, contrahentes esse materiam, verba autem formam. Quinta est, verba, quæ à priori contrahente dicuntur, esse materiam, & quæ à posteriori formam. Quæ omnes sententiae habent suos Patronos, ut refert P. Thomas Sanchez citandus; quas omnes ibidem optime refutat.

Vera

*Tb. San.* 76. Vera sententia, est quam docet ipse Thomas Sanchez lib. 2. de matrim. disp. 5. num. 6., nempe verba, seu signa, quibus consensus utriusque exprimitur esse materiam, & formam, sub diversa tamen ratione. Nam quatenus exprimunt traditionem corporum, sunt materia; quatenus acceptant eam traditionem esse formam. Quam optimis rationibus confirmat: & probat, eam esse sententiam S. Thomæ, & citat

*S. Thom.* pro ea Bellarminum, Suarium, Sotum, Ludovicum Lopez, Angles, Spinum, Petrum de Ledesma, & Emmanuel Rodriguez.

*Angl. Spino.* 77. Præmitto secundo, ratione contractus, & ratione Sacramenti esse in matrimonio res diversas, & intentionem contrahentium de facto posse ferri in contractum, quin feratur in rationem Sacramenti. In quo casu illud matrimonium non erit Sacramentum defectu intentionis. Verum quidem est, inde oriri quæstionem, an inter fideles id matrimonium sit validum in ratione contractus. Quam optime decidit P. Thomas Sanchez, lib. 2. de matrim. disp. 10. num. 6. cum Suario, & Petro de Ledesma, illud matrimonium non esse validum in ratione contractus, quia ex institutione Christi sunt inseparabiles hæc duæ rationes contractus, & Sacramenti inter contrahentes fideles.

78. Iam vero in præsenti quæstione sit prima conclusio. Qui simulat matrimonium in ratione Sacramenti, sive quatenus Sacramentum est, ita ut expresse dicat se velle matrimonium sine intentione conficiendi Sacramentum, peccat læthaler contra Sacramentum; neque potest ab eo peccato excusari ex metu quantumvis gravi. Et proposicio docens id esse licitum, incurrit hanc damnationem. Patet assertio.

Nam simulatio in administratione Sacramenti irrogat iniuriam Sacramento, vt constat ex dictis. Et in hac conclusione ponitur ea reduplicatio, quatenus Sacramentum est, quia cum in matrimonio sint duo diversa, esse contractum, & esse Sacramentum, taliter quod intentio contrahentium possit defacto (non de iure) ferri ad unum, quin feratur ad alterum; dicimus in præsenti simulationem Sacramenti, saltem quatenus Sacramentum est, irrogare iniuriam Sacramento.

79. Sit secunda conclusio. Qui ex metu mortis, vel alterius gravissimi noctimenti, simulat consensum in contractum matrimonij, non attendendo ad rationem Sacramenti, non irrogat iniuriam ipsi Sacramento; atque adeo non peccat contra Sacramentum. Et ita necessario dicendum esse, videtur probari à posteriori ex hypothesi, quæ potest, & solet contingere.

80. Petrus contraxit sponsalia cum Maria, & postea ex humana fragilitate cognovit carnaliter sororem eius, conrraxitque consequenter impedimentum dirimens, per quod ineptus manet ad celebrandum cum Maria id matrimonium, mansit tamen omnino occultum id impedimentum. Ipse quia nimis pauper non habet modum ad petendam Romæ dispensationem impedimenti; & quamvis plurimi Authores dicant, in casu magnæ necessitatis posse Episcopum dispensare ante contractum matrimonium, quando non datur aditus ad Pontificem, multi tamen Episcopi nolunt sic dispensare. Et supponimus eius esse dictaminis Diæcesanum Petri. Cum ergo Petrus propter id impedimentum desistere velit ab eo matrimonio, accedit Maria ad tribunal Ecclesiasticum, vt cogatur Petrus implere promissio-

Iii nem

## DISERTATIO XX. CAP. VII.

434.

nem sponsalium. Et quia admonitus à Iudice Ecclesiastico non vult implere promissionem nuptiarum, incarceratur, excommunicatur, & denunciatur.

81. Quo ergo consilio utatur Petrus in his angustijs constitutus? Vnum è duobus necessarium est, vel quod obediat iudici contrahendo, vel quod persistat in ea apparenti contumacia non contrahendi. Si hoc secundum faciat, magnum imminet periculum animæ eius: nam quoad vixerit Maria, Petrus persistet incarceratus, & excommunicatus, privabiturque forte per totam vitam auditione Missæ, & receptione Sacramentorum; imo in articulo mortis constitutus, vt pote in foro exteriori contumax, privabitur Sacramentis, & Ecclesiasticâ sepulturâ. Ex quibus quantum animæ periculum immineat, clare conspicitur.

82. Quod si dicat, se velle obtemperare Iudici, contrahendo matrimonium; vno è duobus modis id exequi necesse est, vel contrahendo ex animo, vel simulando cōtractum. Si velit contrahere ex animo, & cum intentione tradendi sponsæ potestatem in corpus suum, peccabit lethaller; quia id est velle inire matrimonium, quod est omnino nullum, & ab Ecclesia prohibitum; imo & prohibitum esse iure naturali contrahere matrimonium etiam cum impedimento dirimenti ex iure Ecclesiastico, tamquam certum affirmat P. Thomas Sanchez, lib. 7. de

*Th. San.* Matrim. disp. 5. num. 1. Ergo necesse est, quod obediat exterius contrahendo, ita vt simulet cōtractum sine intentione se obligandi; vt sic posit fugere, & per absentiam liberare se ab eo crimine ducendi uxorem cum impedimento ditimenti. Licet non cum intentione simulandi Sacramentum, sed taliter, quod in-

tentio simulandi solum feratur in cōtractum humanum matrimonij.

83. Probatur secundo conclusio à priori. Quia non est materia, neque forma Sacramenti matrimonij cōtractus irritus, & nullus; sed dumtaxat cōtractus validus: at qui cōtractus matrimonij ex metu iniuste illato non est materia, neque forma Sacramenti. Ergo qui ex metu gravi iniuste illato simulat cōtractum, scilicet non habens intentionem contrahendi, non simulat aliquid pertinens ad Sacramentum, sed potius ad aliquid impertinenter se habens ad Sacramentum.

84. Maior probatur: nam, vt optime perpendit P. Thom. Sanch. lib. 4. de matrim. disp. 16. num. 6. Christus D. non alteravit naturam cōtractus matrimonij, sed eam il'æsam retinens, eam elevavit, vt sit Sacramentum: ex quo manifeste pater, vbi cōtractus matrimonij est invalidus, illum non esse elevatum à Christo D., vt sit Sacramentum; atque adeo verba sic contrahētum, nullatenus pertinent ad materiam, neque ad formam Sacramenti.

85. Si autem cōtractus matrimonij fiat metu iniuste illato à Iudice (iuste, inquam, quoad forum externum, & juxta allegata, & probata) cum adeo impedimentum dirimens omnino occultum, manifestum est, quod talis cōtractus est irritus, vt in casu primæ probationis: ergo neque sic pertinet ad materiam, neque ad formam hujus Sacramenti. Quibus autem verbis simulare debat cōtractum eiusmodi, ne mentitur; constat, non debere fieri per restrictionem mentalem, sed per aliud verbum amphibologicum. De quo vide dissertationem. 18.

86. Probatur tertio conclusio. Nam Authores docentes, esse peccatum lethale confidere Sacramen-

tum

## PROPOSITIO XXIX.

435.

tum irritum, simul docent, non esse  
tale celebrare contractum matrimonij,  
quod est irritum, quando datur  
causa vrgens, & celebratur fide, &  
sine animo contrahendi, constituen-  
tes discrimen inter contractum ma-  
trimonij, & reliqua Sacra menta. Sic  
P. Thom. Sanch. lib. 1. de matrim.  
disp. 11. num. 2.: nam cum dixisset.  
esse licitum, ex vrgenti causa fide  
contrahere matrimonium sub aliqua  
amphibologia, subiungit. *Quod si op-*  
*ponas irritum reddi Sacramentum,*  
*dico: diversum esse in hoc Sacra-*  
*mento, & in alijs sentiendum: cum*  
*enim ultra Sacramenti rationem, con-*  
*tractus naturam induat, potest ea ra-*  
*tione, qua contractus est, absque Sa-*  
*cramenti iniuria, irritum reddi, quando*  
*causa iusta ad id cogit.* Ecce quo-  
modo ex sententia illius, fictio non  
tangit Sacramentum sed solum  
contractum.

*Henrig.* 87. P. Henriquez lib. 11. de  
matrim. cap. 9. agens de contractu  
matrimonij inito ex metu gravi,  
etiam si contrahens sciat esse nullum,  
ait: *Nec incurrit Sacrilegij culpam*  
*ex Sacramento invalido; habet enim*  
*ius ad eum contractum, ut vitet mor-*  
*tis periculum.* Qui tamen alia Sacra-  
menta ministraret, sciens esse irrita,  
sacrilegus est, eo quod non habent ra-  
tionem humani contractus. Qui au-  
thor, licet non loquatur de contractu  
ficto, loquitur tamen de contractu  
scienter invalido. Est autem eadem  
ratio de Sacramentis fidei adminis-  
tratis, atque de invalide confessis: &  
discrimen, quod agnoscit inter ma-  
trimonium invalide celebratum, &  
reliqua Sacra menta invalide minis-  
trata, eodem modo se habet quoad  
fictam, atque quoad invalidam ad-  
ministrationem.

*Cest. Pal.* 88. P. Castro Palao tom. 4. disp.  
2. punct. 12. n. 3. agens de eo, qui co-  
tractus metu gravi contrahit, sive fide-

te, sive ex animo, celebratque pro-  
inde contractum nullum, addit:  
*Ex alia parte nullam iniuriam Sa-*  
*cramento irrogat, quia contractus me-*  
*tu extortus irritus est, & consequen-*  
*ter nec materia, nec forma Sacra-*  
*menti esse potest. Secus contingit, quan-*  
*do quis compelleretur preferre formam*  
*Sacramenti super materiam indebi-*  
*tam, quia tunc iniuriam irrogat Sa-*  
*cramento, cum eius formam irritam*  
*ficiat.*

89. P. Aegidius de Cohnick. *P. Conf.*  
disp. 28. de matrim. dub. 3., cum di-  
xisset, non peccare eum, qui ex me-  
tu gravi contraheret fidei matrimo-  
nium, si id fiat sine mendacio, sub-  
iungit sequentia num. 38. *Dices, Pecc-*  
*cat mortaliter, qui etiam metu mortis*  
*aliquem indispositum fidei absolvit:*  
*ergo etiam qui fidei contrahit, quia*  
*illudit Sacramento. Respondeo negan-*  
*do consequentiam: quia ille ex perso-*  
*na Dei falsum iudicium exterius pro-*  
*fert: & consentit ei, qui directe ali-*  
*quid impium, & Sacrilegum petit;*  
*unde externum Sacrilegium commit-*  
*tit: matrimonium autem directe tan-*  
*tum petitur, quatenus est contractus,*  
*non autem qua Sacramentum. Quare*  
*contrahentes non sustinent immediate*  
*personam Christi dispensantis sua me-*  
*rita, sed privatam personam ineuntis*  
*contractum, cui per accidens adiuncta*  
*est a Christo participatio Sacramenti.*  
*Atque adeo metu contrahens non fin-*  
*git, se sacrilege dispensare merita*  
*Christi; sed tantum se inire contrac-*  
*tum; qui si non ponatur, nulla ma-*  
*teria, a forma Sacramenti ponitur.*  
*Quare cum palam sit actus eius, qui*  
*metu contrahit, non posse constituere*  
*validum contractum; palam etiam est,*  
*eos non posse esse materiam Sacra-*  
*menti; quare eos ita ponens, non signifi-*  
*cavit, se ponere Sacramentum. Huc*  
*usque P. Aegidius.*

90. Ex quibus verbis probatur  
Iii 2. quarto

## 436. DISERTATIO XXI CAPVT. VII.

quarto conclusio. Ideò enim Confessarius, qui metu mortis constrictus absolvit ficte, & sine intentione peccatorem indispositum, peccat, quia significat, se dispensare merita Christi in Sacramento: sed qui metu mortis constrictus contrahit ficte matrimonium, non significat, se dispensare merita Christi in Sacramento: ergo in contractu ficto matrimonij ex metu mortis, non est eadem ratio, ac in eo, qui singit absolutionem erga peccatorem indispositum. Probatur Minor. Nam contractus validus presupponitur ad rationem Sacramenti: ergo donec adveniat contractus validus, non datur significatio Sacramenti: atque adeo si contractus est fictus, non potest significari dispensatio meritorum Christi in Sacramento.



## DISERTATIO XXI.

*Quando, & quomodo sit illicitum, occidere praetextu defensionis calumniatorem, percusorem, furem, & impedientem potiri quem iure suo?*

### C A P T V I.

Referuntur quatuor propositiones damnatae; & prænotantur aliqua.

#### SVMMARIVM.

*Prima pars propositionis 30. similis est alijs damnatis ab Alexandro. num. 5.*

*Authores, qui eam primam partem propugnaverunt ante damnationem. num. 6.*

*Opinio Filguera extendentis damnationem ad omnem occisionem invadentis honorem. num. 7*

*Sententia Caramuelis cum varijs imitationibus. num. 8.*

*Sententia P. Lessij cum distinctione speculative, & practice. num. 9.*

1. **P**lacuit coniungere quatuor propositiones damnatas, quia illæ omnes agunt de quodam genere defensionis iniquo, ratione cuius defensionis perperam docent, licitam esse offendentis occasionem. Itaque propositio 30. est: *Fas est viro honorato occidere invasorem, qui inititur calumniam inferre, si alter hac ignorancia vitari nequit. Idem quoque dicendum, si quis impingat alapam, vel fuste percutiat, & post impactum alapam, vel ictum suffis fugiat.*

2. *Propositio 31. hæc est. Regulariter occidere possum furem pro conservatione unius aurei.*

3. *Propositio 32. est. Non solum licitum est defendere defensione occisiva, que actu possidemus, sed etiam ad que ius inchoatum habemus, & que nos possessuros speramus.*

4. *Propositio 33. est huius tenoris. Licitum est tam heredi, quam legatario contra iniuste impedientem, ne vel hereditas adestur, vel legata solvantur, se taliter defendere: sicut & ius habenti in Cathedram, vel prebendam contra eorum possessionem iniuste impedientem.*

5. *Propositio trigessima habet duas partes, qua decisionem suam desumunt à diversis principijs; idè prius de priori, deinde de posteriori nobis agendum est. Et quidem prima pars est valde similis propositionibus*